

Ushbu she'rlar Baxtiyor Roziq tomonidan BAXTIYOR.UZ sayti uchun maxsus tayyorlandi. Saytimizga tashrif buyurib aziz mehmonimiz bo'ling.

Ona tilim

(Muhammad Yusuf)

Barcha xukm qilganlarni yoqtirmadim,
She'r yozdimu, bo'lak ishni qotirmadim,
Tilim turib o'z tilimda gapirmadim,
Bir eslasam eziladi bag'ri dilim,
Ona tilim, kechir meni ona tilim.

Onam "erkam" deb quchganda tunlar yarim,
Erkim yo'q deb zirqirardi bir joylarim,
Paravozni xansiratgan bug'doylarim,
Oltinlarim, ma'danlarim, ipaklarim,
Ona tilim, kechir meni ona tilim.

Kimlar uchun biz edik bir badaviylar,
O'zbekni qon qaqqhatganni o'zbek siylar,
Holimizni qon kuzatdi Yassaviylar,
Topganimiz handalakdek tilim-tilim,
Ona tilim, kechir meni ona tilim.

Kimdir mayday millat bo'ldi, kimdir katta,
Katta millat Afandisi yo'qdir hatto,
Biz piyoda, biz boqqanlar yurdi otda,
Zulm o'tsa faqat sendan o'tdi zulm,
Ona tilim, kechir meni ona tilim.

Sen bo'lmasang nima bizga silliq she'rlar,
Bu dunyoda tili yo'qda dil yo'q derlar,
Bahoing-ku berib ketgan Alisherlar,
Yuragimning to'ridagi so'lmas gulim,
Ona tilim, kechir meni ona tilim.

Bir qarasam harshevangda ming jilolar,
Har novdangda, har mevangda ming jilolar,
Qodiriylar, Cho'lponlar-u Abdullalar,
Sening qaytgan kuning tug'ilgan yilim,
Ona tilim, kechir meni ona tilim.

Ona tilimsan

(H. Nuriy)

Navoiy g'azalin har bir satrida,
Nafosat, go'zallik sharh tilga xosdir.
Shunchalar qudrat bor so'zning atrida,
Har bir durdona yoki olmosdir.

Tongotar fayzini nay navosini,
Dalalar shukuhin ob-havosini.
Visol chog'larini, dil sadosini,
Odamning jamiki muddaosini.

Barini, barini kuylamoq mumkin,
Odamda ni bo'lsa o'yamoq mumkin.
Shu qadar serma'no ona tilimsan,
Tarjimon, eng dono ona tilimsan.

"Paxta" degan oddiy bitta so'zingda,
Jahonga arzirlik ulug' ma'no bor.
Nega maqtamayin men ona tilm? –
Dilrabo so'zlari o'ynatsa dilim.

Ona tilmida

(Jumaniyoz Jabborov)

Dunyo ishi sho'x mavjlanadi ona tilmida,
Har bir so'z yuz ma'noli durdona tilmida.
Izhori ko'ngil chog'i ipak tovlanadir ul,
Burro-yu go'zal, go'lib-u mardona tilmida.
Do'starning shirin davrasida shaydo shakardir,
Har jilvasi bir gulxan-u gulxona tilmida.
Bor unda Navoiy ruhi, unda Bobur bor,
Har shevasi qasr ila koshona tilmida.
Dunyoda bor ilm-u hunar unda jilobaxsh,
So'ngsiz xazina qomus-u afsona tilmida.

Ona tilm – jonu dilim

(Latofat Bo'riyeva)

Dilim yayrar so'zlaganda,
Nais qalam izlaganda.
Kundan-kunga chiroy ochding,
Ona tilm – jonu dilim.

Madhing dildan kuylay jo'shib,
Ohanglaring qo'shib-qo'shib.
O'rganarman sendan bilim,

Ona tilim – jonu dilim.

O'zbegimning iftixori,
Til millatning nomus ori.
Ardoqlaydi sevib elim,
Ona tilim – jonu dilim.

Ona tilim
(Orif To'xtash)
Alla bo'lib qulog'imga kirgan tilim,
G'azal bo'lib sabog'imga inggan tilim.
Gullab-yashnab ko'z-ko'z etding jamolingni,
Dilim yayrar ko'rib yuksak kamolingni.

Bobur mirzo sog'inchida yig'ladingmu,
Amir Temur ag'yorlarin tig'ladingmu?
Ona tilim, boqiy tilim, jon tilim,
Yillar osha yashnab turgan xon tilim.

Seni asrab-ardoqlayin shirin so'zlab,
Xazinangga yo'l axtargum durlar izlab.
Ona tilim, go'zal tilim, jon tilim,
Har lutfida bir siri bor xon tilim.

* * *

Ey daryodek sermavj, zilol, injuga boy,
Yuz buloqdan qonib suvlar ichirgan til.
Alpsan, erksan, yorug'liksan, ham bilimsan,
Ezgu o'yni ezgu so'zga ko'chirgan til.

* * *

O'tmishi bor tarixga boy,
Navoiydan olgan chiroy.
Orzu havas bunda talay,
Ona tilim – a'lo tilim.

Yana qayta tug'ilgansan,
Baxt – iqbolga yog'rilmansan.
O'lkamizga nur bo'lgansan
Ona tilim - a'lo tilim.

* * *

Kelib-ketdi necha dunyolar,
Keldi hayot yig'ladi o'lim
Sen deb jafo chekdi bobolar
Ular ketdi – sen qolding tilim.

* * *

Kultegin, Bilga xoqon, To'nyuquq kabi
Shuhrat bog'idagi ulkan daraxtlar.
O'zxun xatlariga boqing, ajoyib,
Xalqim tarixidan sado bu xatlar.

* * *

Sen mangusan, baqosan,
Men esam o'tkinchi zot.
Sen hamisha bahorsan,
Men – lahzalik xotiro.
Ona tilim, jon tilim,
Sensiz men so'ladurman
Devona bo'ladurman.
Tuqqanimga yettiyot
Begona bo'ladurman.

* * *

Men o'bekman, istasangiz shu,
O'zimniki qilgum dunyoni.
Tilim , elim, saodatim-la,
Lol etaman yer-u samoni.

* * *

Bir sehrli tillo sandiq- ayoni bor,
Durin sochsang, na cheki, na poyoni bor.
Ham tig'i bor, ham tug'i bor, tug'yoni bor,
Muqaddasim, munavvarim, ona tilim!

Moh siymosi bo'lmasa, mohitobon nadur?
Aytar so'zi bo'lmasa gar, zabun nadur,
Ona yerga ona tilsiz zamon nadur,
Muqaddasim, munavvarim, ona tilim!

* * *

Dunyolarni lol aylagan ona tilim,
Azizdirsani, onajonim yopgan nonday.
O‘zing xushbo‘y, o‘zing xushro‘y, o‘zing so‘lim,
Asragayman seni abad shirin jonday!

Ona tilim — onam tili, qadri — osmon,
G‘ururimsan, sururimsan — otamdayin.
Ham akamsan, ham opamsan — jon tomirim,
Asragayman ko‘zim nuri — bolamdayin!

* * *

Millatimning sharaf-shoni — ona tilim,
Navoiyni maftun qilgan tanho gulsan!
Bobolarim duosidan masrur dilim,
Elimdayin, yurtimdayin seni suysam!

* * *

Ona tilim, aylanayin kalomingdan,
So‘z boshingdan, shirinsuxan salomingdan.
Ishqing bilan bulbuldayin xonish qilay,
Uchrashaylik to‘ylaringda, ayyomingda.

* * *

Ming yillarkim bulbul kalomi
O‘zgarmaydi, yaxlit hamisha.
Ammo sho‘rlik to‘tining holi
O‘zgalarga taqlid hamisha.
Ona tilim, sen borsan, shaksiz,
Bulbul kuyin she’rga solaman.
Sen yo‘qolgan kuning, shubhasiz,
Men ham to‘ti bo‘lib qolaman.

* * *

Belanchaging uzra Koshg‘ariy,
Kuylab o‘tdi qadim navoni.
Va navqiron yaproqlaringga,
Dil qonini berdi Navoiy.

Samarqanddan Bobur ketarkan,
Dilda bo‘g‘ib hasrat sasini.

Olib ketdi ona-yurtidan,
Turkiy tilim, birgina seni.

Ona tilim, omon bo'l mangu,
Sen borsanki, men ham o'lmayman.
Tildan qolsam, seni Oybekday
Men ko'zlarim bilan so'yayman.

* * *

Ne-ne allomalar sening sha'ningga,
Go'zal baytlar bitgan, fikrlar aytgan.
Men ham bir farzanding, angladim, beshak,
Sendan boshlanadi aslida Vatan!
Asrlar bag'rida mardona tilim,
Sevib-ardoqlaymiz, ey, ona tilim!

* * *

Mayli qashshoq bo'lsin, mayli behasham,
Lekin mening uchun aziz va suyuk.
Jahon minbarida yangramasa ham,
Ona tilim menga muqaddas, buyuk.

* * *

Dunyoda eng buyuk, muqaddas so'zni,
Shu tilda aytganim bilan baxtliman.
Yurak mahzanining ochqichi sensan,
Sening borliging-la men qudratliman.

Men tinglagan allalar yodi,
Yuragimga ildizdek botgan.
Ilk so'zimni aytganim chog'i.
Boshim uzra oppoq tong otgan.
Shu yog'duga yog'rilgan tilim,
Chashmalarda poklanib chiqqan,
Vatan senga qilaman ta'zim,
Sen-ku meni so'z bilan tuqqan.

* * *

Notiq dedi:
Taqdir shul,
Bu jahoniy iroda.
Tillar yo'qolur butkul,
Bir til qolur dunyoda.
Ey, voiz pastga tushgin,
Bu gap chiqdi qayerdan.
Navoiy bilan Pushkin,
Turib keldi qabrdan.

Kim darg'azab, kim hayron,
Chiqib keldilar qator:
Dante, Shiller va Bayron,
Firdavsiy, Balzak, Tagor.
Vazingni qo'y birodar,
Sen aytganing bo'lmaydi.
Barcha dedi barobar,
Ona tilim o'lmaydi.

* * *

Men qadim Turkiy til, Turkona tilman,
Yofas, Abuturkda buyuk bir meros .
Alfozim chechakdir sharqona tilman
Latofat nazokat jarang menga xos
O'rxun – Enasoydan toshlariga ko'chdim
O'g'lim To'nyuquqning nidosi bo'lib
ne ne to'fonlardan sog' omon kechdim
Temyrdek mard o'g'il sadosi bo'lib
Ey turkiy "Shoxnoma"- "Qutadg'u bilig"
Hojib qalamida bitildi menda
O'zim ulug' tilman ulug' deyulik
To'maris shiroqning swhiddati menda
Mahmud Qoshg'ariyning "Devoni"damen,
Alforizm jilosi, ko'rkini ko'rdim.
Har subhu sodiqda beshik tebratgan,
Ona allasida olamniko'rdim
Ulug' asar bitdi Ahmad Yuknakiy
Mening alfozimdan terib chechaklar
! Ahmad Yassaviyning hikmatlarida
Olloh kalomiga qondi yuraklar
Rabg'uziy qissasin o'qigel o'g'lim
Sen undan topasan dardingga malham
Ular shunchaki bir qissalar emas
Unda payg'ambar o'gitlari bor
bobong Xorazmiy sir yoqasida

“Muhabbat”nomasinyozib bitganda
Shakardek til bo’lib olamni tutdi
Quvonchdan yig’ladim bolam o’zim ham
Sayfi saroyi bu tengi yo’q shoir
‘Guluston ”ni bitdi men turkiy tilda
Sadiy o’gitlari joy topdi mangu
Har turkiy yurag-u har turkiy tilda
Atoyi bobomning har bir baytida
Jilo berdim o’zim ko’rk berdim o’zim
Lutfiy g’azallarining ajab taftidan
Yana jilolandim toblandim o’zim.

* * *

Assalom, tilimning shaydolariga,
Assalom, elimning shaydolariga.
Assalom, onadek tilni qutlovchi,
Assalom, dilimning shaydolariga!

Bobolarim ruhi shod bugun,
Ona tilim qadri ko’p baland.
O’z tilini qadrlab elim,
Boshi bo’ldi yana sarbaland.

Tilim, qadring tiklandi yana,
Imkon berdi yashashga qonun.
Yurtimizda bugun tantana,
Yigirma beshga to’libsan mana.

Men bugun madh etay ona tilimni,
Ona tilim axir onamday buyuk.
O’zbeklarning tilin-o’zbek tilining
Jumlayi kalomi biz uchun suyuk.

* * *

Bobolardan meros qolgan,
Butun olam e’zoz qilgan,
Bu dunyoda yagonamsan
Ona tilim – jon-u dilim!

Sen ancha vaqt orzu bo’lding,
Qaramlikdan juda to’yding.
Oxir o’zni tiklab olding,

Ona tilim – jon-u dilim!

Hozir juda go‘zaldirsan,
Hamma tildan o‘zing zo‘rsan,
Zulmatdagi nurimdirsang.
Ona tilim – jon-u dilim!

Men sen ila o‘zbekdurman,
Sensiz men ham qul bo‘lurman.
Allalar tinglagan tilim,
Ona tilim – jon-u dilim!

* * *

Zargarimsan, gavharimsan, so`zimsan,
Oq-qorani tanituvchi ko‘zimsan.
Pok tuprog`im, rizq-u ro‘zim, tuzimsan
O‘zbek tilim, ona tilim, o‘z tilim,
O‘zbek elim, ona elim, o‘z elim

Qon qardoshlar davrasida o‘rning bor,
O‘z bayrog`ing, madhiyang bor, tug`ing bor,
Mardliging bor, subuting bor, qadring bor
O‘zbek tilim, ona tilim, o‘z tilim,
O‘zbek elim, ona elim, o‘z elim

* * *

Olis tarix o`zi shohid, ishoning,
Men o`zbekman, o`zbekona lutfim bor.
Ona tilim, ona yurtim, g`ururim,
Ona tilim muqaddas va beg`ubor.
Shu til bilan kamol topdi Muqimiyl,
Shu til bilan Furqat kuyladi yonib.
Shu til bilan Hamza tanildi elga,
Qodiriy tilidan bo`lurmi tonib.
Qodiriy qurban desa, “O‘tkan kunlar”i yoddir,
Fitrat-u, Cho‘lpon desa, she`r hayqiriq, faryoddir.
G`afur G`ulom, Shayxzoda, Muhammadni eslasam
Qo‘lma-qo‘l bo‘lib ketgan, asarlari hayotdir.

* * *

Biz uchun eng aziz dunyo o‘zingsan,

Oy-u quyoshimiz, Zuhro o‘zingsan,
Muqaddas Ka’ba-yu Rumo o‘zingsan,
Muhrimda porlagan humo o‘zingsan.

Qalbimiz qa’rida shu o‘tli nido;
Vatanga jonni biz eturmiz fido!

Vatan sajdahosan, bizga muqaddas,
Vatan martabasi baland, zabardast,
Ko‘zday asragaymiz seni har nafas,
Insoniy ilmdan oldik senda dars.
Jon gavhari bildik seni jon ichra,
Abadiiy ravnaq top, shu iahon ichra!

To jahon boricha baxting bor bo‘lgay,
Osmoning hamisha beg‘ubor bo‘lgay,
Istiqloling mangu barqaror bo‘lgay,
Yurtboshimiz mehri doim yor bo‘lgay.
O‘zingsan borlig‘im, jon-tanim mening,
Jonlar fllo senga, Vatanim mening!